



Godina XIV  
Ponedjeljak, 2. augusta/kolovoza 2010.  
godine

Broj/Broj  
**62**

Godina XIV  
Ponedjeljak, 2. avgusta 2010. godine

ISSN 1512-7486 - bosanski jezik  
ISSN 1512-7494 - hrvatski jezik  
ISSN 1512-7508 - srpski jezik

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", br. 81/06, 76/07, 81/07, 94/07 i 24/08) i člana 9. stav 4. Zakona o Visokom sudskom i tužilačkom vijeću Bosne i Hercegovine ("Službeni glasnik BiH", br. 25/04, 93/05, 48/07 i 15/08), na prijedlog Visokog sudskog i tužilačkog vijeća Bosne i Hercegovine, Vijeće ministara Bosne i Hercegovine, na 125. sjednici održanoj 24. juna 2010. godine, donijelo je

## **ODLUKU**

### **O VISINI NAKNADA ČLANOVIMA VISOKOG SUDSKOG I TUŽILAČKOG VIJEĆA BOSNE I HERCEGOVINE**

Član 1.  
(Predmet Odluke)

Ovom Odlukom se, u skladu sa članom 9. stav 4. Zakona o Visokom sudskom i tužilačkom vijeću Bosne i Hercegovine (u daljnjem tekstu: Zakon o VSTV), utvrđuje visina naknada članovima Visokog sudskog i tužilačkog vijeća Bosne i Hercegovine (u daljnjem tekstu: Vijeće) za vršenje zakonom utvrđenih dužnosti.

Član 2.  
(Predsjednik Vijeća)

Predsjednik Vijeća prima mjesečni paušal u iznosu 1.300,00 KM za pripremu, sazivanje i predsjedavanje sjednicama Vijeća, nadziranje rada Vijeća i Sekretarijata Visokog sudskog i tužilačkog vijeća Bosne i Hercegovine, zastupanje i predstavljanje Visokog sudskog i tužilačkog vijeća Bosne i Hercegovine te obavljanje drugih dužnosti u skladu sa Zakonom o VSTV-u i Poslovníkom Visokog sudskog i tužilačkog vijeća Bosne i Hercegovine (u daljnjem tekstu: Poslovník VSTV).

Član 3.  
(Potpredsjednici i član Vijeća u punovremenom radnom angažmanu)

Potpredsjednici i član Vijeća u punovremenom radnom angažmanu primaju mjesečni paušal u iznosu 1.000,00 KM za pripremu i prisustvovanje sjednicama Vijeća, pomaganje predsjedniku Vijeća, zamjenu istog tokom njegovog odsustva, te obavljanje drugih dužnosti u skladu sa Zakonom o VSTV-u i Poslovníkom VSTV-a.

Član 4.  
(Ostali članovi Vijeća)

(1) Članovi Vijeća, izuzev članova navedenih u čl. 2. i 3. ove Odluke, čija se plata i druge naknade osiguravaju iz sredstava budžeta i koji imaju pravo nastaviti primati svoju redovnu platu i druge naknade kada obavljaju dužnosti u Vijeću, primaju naknadu u iznosu od 200,00 KM po danu rada, srazmjerno vremenu provedenom na radu, za prisustvovanje sjednicama Vijeća (što uključuje i pripremu za iste) te obavljanje drugih dužnosti u skladu sa Zakonom o VSTV-u i Poslovníkom VSTV-a.

(2) Članovi Vijeća, izuzev navedenih u čl. 2. i 3. ove Odluke, čija se primanja ne osiguravaju iz sredstava budžeta i koji ne mogu nastaviti ostvarivati svoja redovna primanja dok obavljaju dužnosti u Vijeću, primaju naknadu u iznosu od 250,00 KM po danu rada, srazmjerno vremenu provedenom na radu, za prisustvovanje sjednicama Vijeća (što uključuje i pripremu za iste) te obavljanje drugih dužnosti u skladu sa Zakonom o VSTV-u i Poslovníkom VSTV-a.

Član 5.  
(Obračun naknada)

(1) Pod obavljanjem dužnosti u Vijeću, u smislu člana 4. stav (2) ove Odluke, smatra se i prosječno vrijeme potrebno za put od mjesta rada tog člana Vijeća do mjesta vršenja dužnosti za Vijeće, najviše do osam sati dnevno.

(2) Radni dan se računa osam sati, u koje vrijeme je uključena pauza za ručak od 30 minuta.

Član 6.  
(Isplata naknada)

Naknade utvrđene ovom Odlukom isplaćuju se svaka tri mjeseca za protekli period.

Član 7.  
(Sredstva za isplatu naknada)

Sredstva za isplatu naknada navedenih u čl. 2. - 4. ove Odluke osigurana su u budžetu Visokog sudskog i tužilačkog vijeća Bosne i Hercegovine.

Član 8.  
(Stavljanje van snage)

Stupanjem na snagu ove Odluke stavlja se van snage Odluka o visini naknada članovima Visokog sudskog i tužilačkog vijeća Bosne i Hercegovine, VM broj 88/05 od 05.05.2005. godine.

Član 9.  
(Stupanje na snagu)

Ova Odluka stupa na snagu danom donošenja i objavljuje se u "Službenom glasniku BiH".

---

VM broj 176/10  
24. juna 2010. godine  
Sarajevo

---

Predsjedavajući  
Vijeća ministara BiH  
Dr. Nikola Špirić, s. r.